



Na osnovu člana 15. tačka a) Zakona o odbrani BiH ("Službeni glasnik BiH", broj: 88/05), člana 10. i člana 136. Zakona o službi u Oružanim snagama BiH ("Službeni glasnik BiH", broj: 88/05, 53/07, 59/09, 74/10, 42/12, 41/16 i 38/18) i člana 15. stav (4) Pravilnika o prijemu u vojnu službu ("Službeni glasnik BiH", broj: broj: 23/18, 42/21 i 54/22), objavljuje

**JAVNI POZIV
za prijem oficira i podoficira u profesionalnu vojnu službu**

**Član 1.
(Predmet)**

Predmet Javnog poziva je prijem 17 (sedamnaest) oficira i podoficira u profesionalnu vojnu službu u Oružane snage Bosne i Hercegovini.

**Član 2.
(Upraznjena formacijska mjesta oficira)**

(1) Prijem oficira iz reda bošnjačkog naroda objavljuje se za službu po lokacijama:

| R/b | Služba | Lokacija | Broj izvršilaca | Stručna sprema | Posebni uslovi |
|-----|-------------------|------------|-----------------|--|----------------|
| 1. | Sanitetska služba | Sarajevo | 1 | VMA (VA) ili VSS VII stepen ili PCS-smjer medicinski | |
| 2. | | | 1 | | |
| 3. | | Čapljina | 1 | | |
| 4. | | Tuzla | 1 | | |
| 5. | | Banja Luka | 1 | | |
| 6. | | | 1 | | |

2) Prijem oficira iz reda hrvatskog naroda objavljuje se za službu po lokacijama:

| R/b | Služba | Lokacija | Broj izvršilaca | Stručna sprema | Posebni uslovi |
|-----|-------------------|----------|-----------------|---|--|
| 1. | Sanitetska služba | Čapljina | 1 | VMA (VA) ili VSS VII stepen ili PCS-smjer medicinski | |
| 2. | | Sarajevo | 1 | | |
| 3. | Muzička služba | Mostar | 1 | VA (muzička) ili VSS VII stepen (muzička akademija) ili PCS-smjer muzički | Instrument flauta, klarinet, truba, trombon, horna, tuba ili udaraljke |

3) Prijem oficira iz reda srpskog naroda objavljuje se za službu po lokacijama:

| R/b | Služba | Lokacija | Broj izvršilaca | Stručna sprema | Posebni uslovi |
|-----|-------------------|------------|-----------------|--|----------------|
| 1. | Sanitetska služba | Čapljina | 1 | VMA (VA) ili VSS VII stepen ili PCS-smjer medicinski | |
| 2. | | Tuzla | 1 | | |
| 3. | | Banja Luka | 1 | | |
| 4. | | Sarajevo | 1 | | |

Član 3.
(Upraznjena formacijska mjesta podoficira)

(1) Prijempodoficira iz reda srpskog naroda objavljuje se za službu po lokacijama:

| R/b | Služba | Lokacija | Broj izvršilaca | Stručna sprema | Posebni uslovi |
|-----|-------------------|----------|-----------------|---------------------------------------|--|
| 1 | Sanitetska služba | Sarajevo | 1 | SVŠ, SSS IV stepen (smjer medicinski) | Položen stručni ispit, smjer opšti medicinski tehničar |
| 2 | | | 1 | | |

(2) Prijempodoficira iz reda hrvatskog naroda objavljuje se za službu po lokacijama:

| R/b | Služba | Lokacija | Broj izvršilaca | Stručna sprema | Posebni uslovi |
|-----|----------------|----------|-----------------|--|--|
| 1 | Muzička služba | Mostar | 1 | SVŠ, SSS IV stepen ili VŠS VI stepen muzička škola - smjer muzički | Instrument flauta, klarinet, truba, trombon, horna, tuba ili udaraljke |
| 2 | | | 1 | | |

Član 4.
(Potrebna dokumentacija)

(1) Opšti uslovi prijema regulisani su članom 9. Zakona o službi u Oružanim snagama BiH ("Službeni glasnik BiH", broj: 88/05, 53/07, 59/09, 74/10, 42/12, 41/16 i 38/18).

(2) Kao dokaz ispunjavanja opštih i posebnih uslova, kandidati uz prijavu za prijem u vojnu službu sa biografijom, dostavljaju i sljedeću dokumentaciju:

- a) uvjerenje o državljanstvu ne starije od 6 mjeseci;
- b) izvod iz matične knjige rođenih;
- c) dokaz o prebivalištu izdat od nadležnog organa ne stariji od 3 mjeseca;
- d) svjedočanstvo, diplomu, uvjerenje o stečenoj stručnoj spremi ne starije od godinu dana ili dokaz o nostrifikaciji, odnosno akt nadležnog organa u BiH da diploma ne podliježe nostrifikaciji, za diplome koje nisu stečene u BiH, uz utvrđen ekvivalent stručne spreme prema konkursom ili oglasom zahtijevanom stepenu školske spreme;
- e) ovjerenu izjavu da lice nije prethodno otpušteno iz državne službe ili pravnog lica zbog povrede službene dužnosti u posljednje tri godine.

(3) Uvjerenje o nekažnjavanju i Uvjerenje da se ne vodi krivični postupak MO BiH pribavlja službenim putem od nadležnih institucija u procesu vršenja sigurnosnih provjera, u skladu sa Zakonom o zaštiti tajnih podataka.

(4) Dokumentacija iz stava (2) ovog člana dostavlja se u originalu ili ovjerenoj kopiji.

Član 5.
(Izbor kandidata)

(1) Izbor kandidata i prijedlog za njihovo upućivanje na zdravstveni pregled, osnovnu oficirsku/podoficirsku obuku i prijem u profesionalnu vojnu službu će izvršiti Komisija imenovana od strane ministra odbrane.

- (2) Izbor kandidata provešće se u skladu sa Pravilnikom o prijemu u vojnu službu ("Službeni glasnik BiH", broj: 23/18, 42/21 i 54/22).
- (3) Sa kandidatima koji budu izabrani za osnovnu oficirsku/podoficirsku obuku potpisuje se ugovor za osnovnu oficirsku obuku.

Član 6.
(Ostalo)

- (1) Na Javni poziv mogu se prijaviti kandidati koji u vrijeme prijema u OS BiH, 31. decembar 2023. godine nisu stariji od 32 (tridesetdvije) godine.
- (2) Prijave, sa propisanom dokumentacijom, dostaviti preporučeno putem pošte na adresu Ministarstvo odbrane Bosne i Hercegovine, Hamdije Kreševljakovića 98 sa naznakom "**Javni poziv za prijem oficira i podoficira u PVS**".
- (3) Javni poziv otvoren je do 25.08.2023. godine.
- (4) Neblagovremene prijave neće se uzimati u razmatranje.

Broj: 10-34-1-1746-3/23
Sarajevo, 31.07.2023. godine

MINISTAR

Zukan Helez